

廣文選卷第一

明通議大夫都察院右副都御史大庾劉節廣



天地廣

天地賦

成公子安



惟自然之初載兮道虛無而玄清太素紛以溷淆兮始  
有物而混成何元一之茫昧兮廓開闢而著形爾乃清  
濁剖分玄黃判離太極既殊是生兩儀星辰煥列日月  
重規天動以尊地靜以卑昏明迭炤或盈或虧陰陽協  
氣而代謝寒暑隨時而推移三才殊性五行異位千變  
萬化繁育庶類授之以形稟之以氣色表文采聲有音  
律覆載無方流形品物鼓以雷霆潤以慶雲八風翱翔

東京大學  
東洋文化研究所所藏  
漢籍善本全文影像資料庫

書名 廣文選八十二卷 嘉靖十二年序刊本  
撰者 明 劉節 輯  
卷 卷首  
內容分類 集-總集-詩文  
索書號 大木-集部-總集類-3  
編號 D7920300

[彩色首頁1](#)



[東洋文化研究所漢籍目錄 編號: D7920300](#)

[東洋文化研究所漢籍目錄所藏漢籍善本全文影像資料庫 索書號: 大木-集部-總集類-3](#)

[漢籍善本全文影像資料庫文本 廣文選八十二卷 嘉靖十二年序刊本](#)

版權所有: [東京大學 東洋文化研究所](#)

[使用上的注意事項](#)




不 許 複 製

NOT TO BE REPRODUCED

東京大学東洋文化研究所

石印  
所  
圖  
書



廣文選序

明資政大夫奉 勅叅贊機務南京兵部尚書儀封



嗟乎文之體要難言也援古炤今可知流委矣易始卦  
爻彖象書載典謨訓誥詩陳國風雅頌厥事實厥義顯  
厥辭平厥體質邈兮古哉蔑以尚矣自夫崇華飾詭之  
辭興而昔人之質散自夫競虛夸靡之風熾而斯文之  
致乖言辯而罔詮訓繁而寡實於是君子惟古是嗜矣  
梁昭明太子統舊有文選之編自今觀之頗為近古然  
法言大訓懿章雅歌漏逸殊多詞人藻客久為慨惜然  
未有能繼其舊貫者今少司寇梅國劉公乃博稽群籍  
撿括遺文萃所不及選者命曰廣文選總八十二卷宣

明往範垂示來學俾後生小子盡觀古人之擬不亦盛  
心乎哉揚州守侯君季常仰惟茲編有裨詞囿乃命葛  
生澗校正壽梓行之而以序問余浚川子曰文者載道  
之器治跡之會歸也故曰文王既没文不在茲乎言文  
即道治即文矣是故古人之文莫不弘於學術之所趨  
莫不實於治功之有成但好尚異其門途則品局遂分  
高下秉知言之選者不可以不辯矣乃惟大人碩儒探  
元挈要先之修性體道以敦其本又能察於君臣之政  
觀夫天下之勢達乎民物之情則文之質具矣從而立  
言其道真其業實無誕美無虛飾叅諸六經之旨靡所  
差別不亦天下之至文乎由是而觀君子修辭雖雄深  
博雅力總群言而無當於修已經國之實者其負曰文  
去文萬里矣此又梅國廣選之深慮也

廣文選序

明秦政夫南京尚書司卿翰林院修撰 經筵講官兼修國史虞昌楫撰

昔梁蕭統編定文選粵自秦漢迄于齊梁騷賦詩歌詔冊表啓時且千年煥如其舊第博雅君子泛覽別籍見有遺詩脫文則又每病乎統焉然未有能廣裒散失粹纂重行者今少司寇梅國劉公英特之材博大之學旁搜群書幾二十年類摘門補世採人增凡統之缺漏十九攢完學士觀覽無不足之嘆長垣侯君季常方守揚州謂可遠傳乃命學生葛澗校正差訛既且入梓遣使問序涇野子曰懿哉梅國之用心乎夫自乾坤典謨以來載籍宣昭歷世誦習然三墳或隱九丘多支惟左史

倚相者具能讀之楚人歸善尊為至寶白珩不齒也鄭公孫僑使于晉適晉侯有疾卜云實沉臺駘為祟雖叔向莫知乃問于僑僑具述高辛玄冥之遺參汾王封之故通國驚動以僑為博物君子然則梅國斯編其有滋於學士之聞見者富乎或曰文選以毛詩序與思歸引序並列廣文選以思親操荷蘭操與胡笳十八拍操同卷聖愚不分經騷不辯惟多是取不揆之道亦以為富可乎曰不見詩書春秋邪古詩善惡咸收至三千餘篇因得取為三百篇之定古書及中候聖狂皆載幾千餘篇因得取為五十篇之定左丘明傳述魯史將數十萬言治汗具存因得取為千五百條之定廣文選如行也

焉知后無作者不因此而說漢禮晉文比于古文獻之定徵者乎審若是且將恨收取之未盡廣又奚暇議其醇疵哉書凡二千餘篇為卷者八十二其門分類析皆佳昭明之舊云

嘉靖十二年春二月朔旦



校正廣文選凡例一十二條

一操歌銘舊有舜禹文武成王周公孔子之作第諸聖垂世之言非可以後人撰述者與之例論各集備載成訓已具茲不復錄入文士之列以見尊聖之意

一冊如宋公晉公九錫文誄如元后誄書如陳餘遺章邯閻忠說皇甫嵩之類僭悖殊甚忠臣貞士何觀焉故刪去

一賦如司馬相如美人賦張敏神女賦謝靈運江妃賦之類雖含諷諭然多嫫媿不可為訓至如張衡髑髏賦殊類曹子建之說其浮淮覽海芙蓉

菊花琴几等賦又皆短淺無大意義俱刪去

一鼓吹曲如魏之獲呂布吳之攄武師晉之靈之祥

登歌如宋之七廟梁之北郊等篇對如吾丘壽

王得寶島對碑如魏大饗碑之類俱卒張而悖

至如劉向上星孛楊賜論青蛇之類殊覺附會

翼奉徙都一䟽知人一論所言不正亦刪去

一逸詩如瞻彼盍旦等十二條歌如擊壤侏儒等三

十餘首䟽如趙充國西羌事宜等八䟽贊如麋

子仲等八贊皆短寂或浮泛至如漢饒歌思悲

翁艾如張等八曲與聖人制禮樂古辭蜨蝶行

巾舞歌等作皆難通曉其烏生焦仲卿妻樂府

數篇以及僮約青髯奴文又甚俚俗故俱刪去

一文如周宣王石鼓文碑如漢劉熊景君等碑問如

月令問荅之類俱缺誤無證又漢武帝策問三

首魏文帝浮萍篇李陵重報子卿書谷朮微行

宴飲對以及陸機沈約招隱遊鍾山等詩古樂

府飛鵠行俱係重出故亦刪去

一七類如傅毅等七激三篇區區模倣前人且甚膚

淺連珠如楊雄等二十首比偶之詞僅止數句

謠如康衢白雲等謠里巷談吐無關文義今盡

刪之雖不多立篇目固無害其為廣也

一屈原九章詞意宏遠與日月爭光可也昭明止選

涉江一篇隘矣茲仍舊錄又增入涉江者欲覽其全也

一國語如周襄王不許晉文請隧等六篇淮南子如汜論泰族二訓亢倉子如君道政道等四篇文義正大高古以至詩如沈約王筠劉孝威劉峻蕭子範蕭子雲范雲吳筠江總諸人應詔春遊寄贈等作有漢魏風俱增入

一子史等書可入選者甚多第以其俱有成書不能盡採且此選於諸體已備亦無俟多採爲也其刪去各篇不能一一稱舉具有凡例可以類推若理雖未瑩而文有可觀則仍存之

舊選於諸作者俱書其字今并識其朝代姓名而疏其字於下以便觀者

一各篇中字有訛者正之古字通用者仍之疑似者則云當作某字義同字異者則云或作某字脫漏不可考者闕以俟慎之也